

醫藥考

序例 目錄

山草部 二十八種

芳草部 十七種

濕草部 附穀菽 十二種

卷之九

增訂

偽藥條辨

卷九

置角於霧露中經久不濕。光明犀。（置暗室自光明也）此數犀但聞其說。不可得而見也。錄之以備參考。海島逸志云。犀牛大過於牛。皮加荔枝。而紋大如錢背皮如馬鞍以覆其項。頭似鼠。嘴似龜。足臃腫如象。好行荆棘中。喜食藤刺。頭一角在鼻梁。世所繪其角在額者非也。此余所目覩。其行林中。觸樹多折。此頭一角。或即特犀也。沈萍如云。犀角本草載出西番南番滇南交廣諸處。有山水兕三種。山犀易得。水犀難見。並有兩角。鼻角長而額角短。水犀皮有珠甲。山犀則無。兕即特犀。止一角在頂。紋理細膩。斑白分明。不可合藥。蓋牯角紋大。而特角紋細也。其紋如魚子形。謂之粟紋。紋中有眼。謂之粟眼。黑中有黃花者爲正透。黃中有黑花者爲倒透。花中復有花者名重透。並名通犀。乃上品也。花如椒豆斑者次之。烏犀純黑無花者爲下品。其通天夜視有光者

。名夜光犀。能通神。又有角上有紋直上至端。夜露不濡者。名通天犀。
。羗海雜誌云。犀角皮厚而無毛。鼻上生前後兩角。後之所產祇有一角。
。爲解熱之特效藥。且亦自能解角。角藏於巖穴中。獵人以其形木角
。易之。則次年解角仍藏原處。否則更易他處。不復再見矣。今就市上所
。通行者。惟暹邏角爲最佳品。其外有礮。根盤內有蜂窠形。中凸出如墩
。兩畔陷。紋粗。刨片。白多黑少。爲上品。交趾產者。外無礮。內無
。墩。紋較細者次之。又有一種天麻角。性硬。更次。雲南產者。角尖長
。其氣臭。最次。凡犀角爲熱症中之退熱特效藥。關係人命生死。非尋
。常藥可比。必須採辦的真暹邏角爲要。須看色黑。劈開處直紋粗絲者爲
。妙。尖上頭圓更佳。試法以真犀角置爲酒器。則清香爲異耳。沈萍如云
。犀角以有花紋而粗者爲貴。今市人多以雲貴山中野牛野羊角僞之。其

角黑而無花紋。且氣羶耳。此等僞角。害人生命。不宜用之。

羚羊角

羚羊古作靈
今省筆作羚

二

用白兕角。及白牛蹄。琢磨僞充。其現切之羚羊絲。尤難辨識。按羚羊產梁州眞州各處。商洛諸蠻山中。及秦隴西域皆有。角長尺餘。有節特起。環繞如手指握痕。得二十四節者。尤有神力。今多用尖。取其精銳堅剛之力也。宜揀選地道頂尖。磨水取汁。用之尤靈。

炳章

按羚羊不獨眞僞須辨。而鎊法亦須改良。吾紹藥業有見於斯。民國

十四年二月間。囑余撰鎊改燥鎊理由書。已刊登第十五期紹興醫藥月

刊。茲再摘錄於下。考靈羊（俗作羚羊）屬脊椎動物哺乳類。有胎盤類。

反芻偶蹄類。羚羊科。形似小鹿。性至靈。故字從鹿從靈。靈器云。羚

羊有神。夜宿防患。以角掛樹不著地。但角灣中深銳緊小有掛痕者爲眞

。疏慢無痕者非也。按羚羊形雖似鹿。又類山羊。口吻尖銳。面部三角形。耳輪大。眼有光。頭上皆有長圓無枝之短角。從眉間伸出。間有曲輪。或略捲曲。或向後鈎曲。角基中空。角心如筍。一次脫落。(自落者爲死角)不再生。毛柔滑而密。色概灰黑或褐黑色。背部與前膊間灰褐色。四肢細長。概黑褐色。尾短蹄小。身瘦狹。體長約四尺。棲於深山。常羣棲。性溫順。有深慮。善疾走及跳躍。嗅覺敏銳。具靈異之性。終身愛護其角。故其精神亦凝聚於角。以角入藥。能清熱熄風。舒筋解毒。明目透疹。驅邪辟瘴。子癩瘰癧。猶爲要藥。產於亞美歐台灣安南者。類別有十餘種之多。產中國者。如陝西哈密外福化城。新疆奇台縣爲最佳。鞏昌漢中者次。亦有黑白二種。黑者清腎肝熱。白者清肺熱熄風。近年以白者爲重。故市上僅有白羚羊。黑者多無覓。詎知近年藥

用漸繁。捕獵殆盡。因而價值日昂。且羚羊質性堅硬。刀切不入。我業習俗以形式相競。鏘片入藥。以求雅觀。查其鏘片之法。先將羚羊水浸七八日。再用滾水泡透。經此手續。化堅爲軟。則鏘之片張闊大。形式雖雅觀。然經水浸泡。汁液盡出。性味已失。反增腥臭惡氣。治病功能已大半消失。嘗考古人修治羚羊之法。先用鉄鏹鏹細。再搗篩極細。更研萬匝。入藥免刮粘胃腸。使原質不失。效力完固。法良意美。同人等審度近日人心不齊。一經研末。真偽莫辨。難免以偽亂真。則害人更甚。我同人等本良心之主張。爲改革弊害起見。邀集同業行店在會館集議。述明羚羊浸鏘弊害原理。經衆討論。僉謂不落水燥鏘。庶幾性味不失。真偽仍可鑑別。爲全體所公認。惟燥鏘片張雖碎小。主治效能。實較浸鏘優勝十倍云。(下略)

麝形似鼯而小。色黑。常食栢葉。及蛇蟲。其香在臍。故名麝臍香。又名當門子。生陰莖前。皮內別有膜袋裹之。至冬香滿。入春臍內急痛。自以爪剔出。覆藏土內。此香最佳。但不易得。今惟得活者看取。必當全真。出羌夷者最好。出隋郡義陽晉溪諸蠻中者亞之。出益州者形扁多偽。凡真香一子分作三四子。刮取血膜。雜以餘物。裹以四足膝皮而貨之。今貨者又多偽。聞土人多以香貓腎偽充。考劉侏西域記。有云黑契丹出香貓。糞溺皆香如麝氣。故有取其糞。用雜獸血膜偽造爲麝香。近又有以荔枝煨爲灰。裝入真麝香皮袋中混售。貽害不淺。凡入藥須辨真者用之。

炳章 按麝爲壯鹿類而無角其尾甚短如山羊。嘴上之稜牙如野豬。其種大小不一。皮毛之色 生而數變。初醬色與褐黑色。繼變紅褐。至白灰色

而老矣。全身生毛。惟吻無毛鬚。其旁而有縱長之斑點。背多橫紋。然形狀雖笨。而腿力甚速。故獵捕甚難。腹下之臍。即名麝囊。割破其囊。即得麝香矣。其肉因香氣芬烈。土人視爲美味。其囊之大小。關乎麝之年歲與強弱。產地首推西藏高山中。或喜馬拉亞山。以及雲貴等省之山內。東三省與蒙古亦產之。黃河以南雖產似麝。其實本草所謂香狸。非麝也。羌海雜誌云。青海江拉希拉之間。重巖復澗。產麝尤多。大抵山有香麝。必有香氣。遠聞之香烈而略帶腥。忽隱忽現。若即若離。麝穴愈近。而其腥愈不可聞。循其氣味而尋之。百不失一。麝臍最穢。常流血液。天日晴時必仰臥於草地。而曝其臍。臍眼突出大如鉢。腥臭異常。蚊蠅蟻蚋飛集蝕之。臍眼突然縮入。微蟲碾如齏粉。一日數次脂漸凝厚。此謂草頭麝。藥肆常用之品也。曾吸入蜂蝎蜈蚣毒蟲類者。臍有

硃砂點。謂之紅頭麝。其品已高。最貴者曰蛇頭麝。毒蛇吮其臍。麝驚痛而力吸。跳踔狂奔。蛇身伸屈盤結。堅不可脫。須臾蛇身截然而斷。首即腐爛於內矣。臍有雙紅珠。是爲蛇眼。得此配藥。其香經久不散。醫治毒症。功效無比。繆仲淳云。香有三品。一曰遺香。是麝臍閉滿。處於石傍用蹄尖揮落者爲最佳。其地草木枯焦。二曰膝香亦佳。三日心急香。被諸獸驚恐遺落取得。見心流脾結作一血塊。隔山間亦有香氣。此三者皆爲佳品。今時以陝西哈密出者。其色黃。香味濃厚者佳。山西五台山羊來出者。其殼如豬脬亦佳。四川松盤山出。名蝙蝠香。皮厚有毛亦佳。雲南有一種無殼散香。色黑有騷氣者次。大抵聚於蜀之打箭爐者名川香。聚於雲南者名雲香。陝西之蘭州者名芥州香皆良。其形圓。香氣濃厚。歷久不散。產於張家口以外歸化城。以及內外蒙古者。名西

口蝙蝠香。產於東三省。聚於營口者。名東口蝙蝠香。其形皆扁氣味微薄而帶騷氣。略次。蓋麝香真色。乃紫紅與墨色。近世作僞者。將少許蝙蝠香。雜以多數之香料屑末攪入。且加以相當之顏料。形似真者彷彿。辨別真僞者。大抵鼻嗅香氣芬烈與微薄。以香料之香。與麝香之香。顯能分別。況真者氣味不但襲人。且日久不散。僞者香不能襲人。稍久嗅之。已乏香氣。尙有試法。亦可主判真僞。以熾炭火上將香少許彈於炭火上。真者如燃人髮。其質爆烈。奇香四溢。僞者不但無香。且質如灰燼而爆烈。以此試之。立分真僞。麝香內結有圓粒。或長扁形。外紋光滑質堅。碎之香氣逾常。即名當門子。其功力較散香勝數倍。亦有人工造作者。亦可試之。將當門子泡滾水內。真者依然堅結。僞者即化開矣。

傷者味苦不香。眞者味甜氣香。眞牛黃大者如雞子黃。小者如龍眼核。重疊可揭。其質輕虛。氣香有寶色者佳。如黃土色者下也。出產川蜀者爲正地道。喝取者爲上。殺取者次之。能辨眞牛黃。則假者無論若何造法。可一驗便知耳。

炳章按牛黃者牛之病也。蓋牛食百草。偶誤食壅氣之草。以致胃腸壅滯。鬱極生火。火炎肝膽。則肝火疏泄。膽汁外溢。凝結成黃。而胃少膽汁。則食物不化。而不嗜食。故肌瘦肉消。黃者乃膽汁日溢。胃中甜肉汁。自外脣結。受熱蒸燥。則凝結成顆成塊。漸結漸大。而黃成矣。故黃多生於肝葉傍膽側際。或另牛皮囊裏之。或生膽之厚皮處。或生角中。角竅亦屬肝故也。其味苦兼甜者。膽汁與甜肉汁之結晶體也。其氣馨芳者。百草之精氣也。其通竅化濁。清火化炎者。此膽之擅長本能也。用

以治人心胆之疾者。同氣相求之義也。然其性涼而有小毒。能治驚癇寒熱。中風痰迷有餘之熱症者。乃以毒攻毒也。此發明生黃之理。治病之原。取黃之法。辨黃真偽。再辨於下。羗海雜誌云。牛黃有家黃野黃之分。家畜犛牛犏牛黃牛皆能生黃。凡牛腹生黃。食草不貪。行走不捷。日漸瘠立。兩眼胞皆黃色。或眼如血色。或夜分身有光。或嗚吼以恐懼人。計其吐黃之期。須終日按其脈而伺之。仰繫之則不吐。俯繫之則隨吐隨食。必俯繫之而以牛舌不能及地爲率。又須防其蹄躋也。吐黃以後。牛體膘健逾恒。如逾期不吐。牛必倒斃。剖腹取之。黃無精氣。非上品也。凡藥肆之常有者。大抵係家牛所吐及剖腹所得者爲多。名曰牛黃。然真西黃則惟巖穴叢草中遇之。蓋犀牛吐黃。亦隨吐隨食。惟吐藉草之上。吮食不淨。餘液下漏。沉入土中也。然探其穴藉草之下有土光滑可

鑑者。掘之始有犀黃。然亦不多。家牛黃者。色淡黃紋理細。眞犀黃者。金黃色。紋理粗。暑天蚊虫不集。湯初沸時。捻末少許撒之。沸湯頓無巨泡矣。取黃染指透爪甲者亦佳。古人其取黃又名照水。以盆注水承之。夜俟其吐水中喝逼而取之爲生黃亦佳。昔以隴西山西出者著名。故曰西黃。即牛黃也。產奉天省地屠牛廠。及興京、桓仁、寬甸、東豐。吉林黑龍江省等均產。皆名東黃亦佳。近今所謂廣東黃者。皆馬黃也。蘇尖牛黃。即水牛之黃也。近代駱駝黃亦充牛黃。然考駱駝之黃。其形態與功用。確類眞牛黃。凡治驚癇風痰熱痰。而功稍遜。惟氣不馨爲異耳。惟駝亦食草。食亦反芻。與牛相類耳。至所謂片黃者。類皆南省所產之蟒黃是也。不堪入藥宜禁除之。

僞名京膽星。或云即江南土製。色有花點不黑。質極硬不軟。不知何物僞造。誤人不少。按膽星即天南星。生研爲末。臘月取牛黃膽汁。和藥納入膽袋中。懸有風處乾之。年久者彌佳。南星氣味苦溫。有大毒。牛膽汁苦大寒無毒以牛膽汁製南星。所以殺燥烈之性。而並解其毒。蘇頌云治驚風有奇功。匪特除痰下氣攻積也。若僞製射利。貽害多已。

炳章按製造膽星法。臘月黃牛膽汁。泔漂淨生南星研細末如稀糊。仍入膽皮內。懸掛有風無日處陰乾。至次年將皮剝去再研細。用新臘牛膽同前製法。曾手製至二年。其色猶黃白。至九年纔褐色耳。此沈萍如法。其他如本草明辨製法略異。方亦錄下。以備參考。擇臘月庚申日。以漂天南星川貝母各半。研極細末。以黃牛膽一具上開一孔。不令汁出。將二味和入於膽中。懸掛簷前風日之中候乾。去膽皮另換一膽。如是者九次。

苟能一年一次。九年成功者最佳。今市上所售色黑如漆者。乃小元參研末搗蜜如餅。裝入雞肚內晒乾充用。害人匪淺。

鹿茸 六

鹿茸頂尖帶血者。謂之血柿茸。價值甚昂。聞射利之徒。或用豬尾。或用小腸。和以豬血。攪以雜藥。假造偽充。外形與真無二。及煎熬之後。則糜爛臭穢。可驗而知之。若研末入丸藥。甚難辨識。按鹿茸氣味甘溫無毒。主治漏下惡血。寒熱驚癇。益氣強志。生齒不老。爲補骨血益精髓之要藥。麋茸尙不可用。又安用此假柿茸耶。若遇危險重症。服之則貽誤必多矣。

炳章按茸者。如草芽初生之狀。麋鹿雌者無角。雄者之角。年解年生。乘其初生含血。未成骨時。取以爲補精血藥。因其狀命名也。惟採茸之

法。貴乎始生含血者。漸長則成角不適用。故云宜如茄之小者。分枝則大而不取。此舉茸生初久。形分大小而言。非可指爲鹿之大小解也。凡其氣血者。幼則弱。老則衰。惟壯大者則強。是麋鹿之茸。正當取於壯大之麋鹿爲貴。當取其頭骨大。而茸豐肥。如馬鞍形轆形者爲最。至茄茸則太嫩而小。寇宗奭已論之矣。再論採取之法。羌海雜誌云。茸鹿一種。天下盛稱關東。其實製法。以西產爲良。品質亦不及西產之厚也。然西產製法。亦未嘗不佳。最上者亦曰旋茸。其法得一生鹿。閉於柵。聚圍之而呼噪。鹿性躁驚。距奮擲足無停蹄。其體純陽。兩角更甚。約數小時。其熱度達於極點。有力者猝入。以利刃斷其首。長杆丈餘上穿鐵環綴八尺之鐵鏈。而以鹿角繫其端。極力搖而旋轉之。甲疲乙易。乙疲丙易。不知其數千萬轉。其精血靈活和勻。無孔不入。無竅不通。稍

停則精血凝聚之處。易生微蟲。精血不到之處。元氣不足。非全材矣。此青海採製鹿茸之法也。此指家畜面言。如遇野山之鹿。即隨時又獲取茸。功效尤偉。李春芝云。藥鹿俗呼梅鹿。尤有馬鹿之分。二鹿均能生茸。皆有臘血片。大抵藥鹿解角後。其新茸芽生之際。初起如銀杏狀。漸成梨形及核桃形。名曰血包。此爲第一期。再則支生兩凸。如茄子形。或如鞍子形。名曰扈子。鞍子稍養數日。急宜取用。此爲第二期。倘逾此期。卽爲叉子。此爲第三期。卽毛角也。血液枯燥。功效已薄。上述藥鹿生茸。關於時際之遲早。以區別其形狀之良窳。再別其每架鹿茸切片時。復有臘片、血片、風片、骨片之分。如茸之頂尖。最首層之白如臘。油潤如脂。名之曰臘片。次層白中兼黃。純係血液貫注其中。故名曰血片。最次層片有蜂窠。色紫黑透孔。名曰風片。俗云木通片。如木

通之空通也。最次則與骨毗連。同角相彷彿。名曰骨片。效力更薄矣。凡辨原架鹿茸之法。須顏色紫紅明潤有神。頂圓如饅頭式者佳。如帶黃黑頂上凹陷者次。東三省產及青海新疆均生。浙江衢州金華出亦佳。僞者以鹿茸架。用豬血麵粉做成。

鹿角膠

七

鹿角膠原名白膠。以鹿角寸截米泔浸七日。令軟。再入急流中浸七日。刮去粗皮。以東流水桑柴火煮七日。頻頻添水。取汁澀淨。加無灰酒熬成膏。冷則膠成矣。氣味甘平。主治傷中勞絕。腰痛羸瘦。補中益氣。婦人血閉無子。止痛安胎。市肆有以牛皮膏爲膠僞充。一層白色。俗名白頭。氣味羶臭粘濁。服之有害。

別章 按鹿之種類有三。陸佃云。鹿之大者名曰麀。羣鹿似其尾爲趨向。

其尾可作拂塵。今北人呼爲大尾鹿者是也。李瀕湖以麋似鹿而色青黑。大如小牛。肉蹄。其目下有二竅爲夜眼之說。證之似略有據。然未曾實指其角解於冬也。清高宗帝有鹿角記。言之詳矣。因二物俱解角於夏。乾隆丁亥長至。齋宿南郊。命侍臣詣南苑。聚木蘭之鹿。吉林之麋。大尾之麀。監視之。及五時而麀之角解。麋鹿皆不解。隨傳旨欽天監。改月令之麋角解爲麀角解。此經頒示天下。而人民所共知者也。是麀之尾與麋鹿殊。而角解於長至。地學雜誌云。麀俗稱爲四不像。蓋其形似鹿。而牛身馬尾羊蹄。特其首類鹿耳。故得此名稱。清聖祖曾在靈囿中。實驗此物。而改夏小正鹿角解之訛。若麋與鹿。即李瀕湖所言麋肉蹄四眼之說。亦猶牛黃之於水牛。形稍殊而其實一物也。且朱子之註孟子。亦曰麋鹿之大者。未嘗分爲二也。李春芝云。麋鹿俗名梅花鹿。尤有馬

鹿之分。亦屬同類異種耳。新疆雜記云。鹿北疆概產之。每冬季多狩獵者。其角於小滿節後。角根發癢。以頭相觸。角即脫落。堆於一處。獵者於深山中。有一獲數百對者。脫角後越五六日。新茸即生。此時最爲貴重。產於拜城之額什克巴什山。漢騰格里山。若焉耆之納刺達嶺。俗稱之曰鹿圈。言其產鹿之多也。即品質言。尤以產於伊犁之果子溝者爲最佳。行銷於內地各藥行。大抵關東出者。其角外皮黃黑色。內白色有神光。爲最佳。湖廣經縣出亦佳。福建陝西出有雙角單角之分。雙角老者亦佳。單角爲次。海南丹山出者。無杈枝亦次。又外洋淡水中出魚角。又名沙角。爲鯨魚所變。其色枯白而大。杈枝甚多。爲最次。其他煎膠之法用正鹿角鋸斷。每段約二寸另。洗淨角內灰質洗淨。煎七晝夜停火。取出骨渣。候冷濾淨。再熬至滴水成珠。取起入方錫盤中。候凝結。

成塊。取出以刀切塊。貯藏三年發售。名鹿角膠是也。

龜鹿二仙膠 八

龜鹿二仙膠。用龜版鹿角枸杞人參四味。煎熬爲膠。乃驗補氣血。不寒不燥。又能益髓固精。爲補方中妙品。聞有以牛皮膠。及他藥僞造混售。服之無益有害。良可慨耳。

炳章 按龜鹿二仙膠。即鄭氏所謂龜鹿加枸杞子黨參。煎汁去渣。如前法收膠切塊。毋容再詳矣。云僞者以牛皮僞充云云。牛皮膠甚臭。不堪入口。亦難混用耳。

阿膠 九

僞名上清膠。又一種名瑞芳膠。皆用尋常之水煎牛皮成膠。並雜他藥僞造。色雖明亮。氣臭質濁。不堪入藥。張隱菴本草崇原辨之最詳。按古法先

取狼溪水。以浸黑驢皮。後取阿井水以煎膠。考狼溪發源於洪範泉。其性陽。阿井水發源於濟水其性陰。取其陰陽相配之意。火用桑柴。煎煉四日夜而後成膠。近時阿井水甚不易取。而煎法又失其真。故真阿膠。最難得也。貨者既多。屢僞辨之不明。不如不用爲是。或第用江浙所賣黑驢皮膠。雖無阿井之水。而用寶莊之泉。其補血滋陰。平木熄風。功同阿膠。較之用假阿膠者。不更勝一着耶。

炳章按阿膠出山東阿縣。以純黑驢皮。阿井水煎之。故名曰阿膠。考阿井在東阿縣城西。縣志云。昔有猛虎居西山。爪刨地得泉。飲之久。化爲人。後遂將此泉爲井。然此水實爲濟水之源。其色綠。其性趨下。東阿城內。又爲狼溪河。其水爲潔水之源。乃洪範九泉之水所會歸。其性甘溫。故台此一水製膠爲最善。再按定每年春季。選擇純黑無病健驢。

飼以獅耳山之草。飲以狼溪河之水。至冬宰殺取皮。浸狼溪河內四五日。刮毛滌垢。再浸漂數日。取阿井水。用桑柴火熬三晝夜。去滓濾清。再用銀鍋金甌。加參耆歸芎橘桂甘草等藥汁。再熬至成膠。其色光潔。味甘膩。氣清香。此即真阿膠也。按本草經云。阿膠性甘溫。清肺養肝。滋腎益氣。補陰祛風。化痰潤燥。止喘。善治虛勞咳嗽。肺痿吐膿吐血衄血。腸風下痢。崩帶胎動。經水不調。及肺毒癰疽。一切風症。服之無不效驗。其僞者。以碎舊牛馬雜獸皮。煎成膠。塊色亦如阿膠。名曰清膠。味利者。以此炒成珠。曰阿膠珠。此等贗品。服之不但無效。而反發瘡生毒。因雜皮多器用皮。含有毒汁。故其爲害甚烈。大抵鑒別之法。真阿膠烔化後。氣清香。有麻油氣。汁色黃白色。稠而不黏膩。味甘微鹹。其原塊在十年以內者。蒼翠色。質尙堅。至五六十年以上者

。色轉黃而質鬆脆更佳。肺勞服之。殊有奇功。若本煎臚皮膏。煇化氣微脾。(陳則無腥氣)汁黑褐色。甚黏膩。味亦微鹹兼甘。用作補血藥亦佳。以治肺病血病則凝胃。反不佳也。若清膠化煇。純屬臭穢腥濁氣。令人欲嘔。服之有毒。切勿沾唇。戒之戒之。

血餘炭

十

血餘灰本經列於中品。氣味苦溫無毒。主治五癰關格不通。利小便水道。療小兒驚。大人狂。仍自還神化。本草崇原云。凡吐血衄血之症。皆宜用血餘。當用髮髮近於頭皮之髮剃下。短髮尤佳。或用亂髮亦可。以身焚水洗淨。入瓶內固濟。煨灰存性。方合經旨。近市肆有一種假餘灰。不知何種獸毛所煨。色暗味臭。萬不可用。若重症服之。誤人匪淺。噫、至便之藥。亦有假充。爲醫者能不寒心束手乎。

所章 按古人造血餘法。臘月取癩下短髮。以皂莢水洗去泥垢。入甕均鹽泥封固。外用礬糠火煨一晝夜。候冷取出用。近時以兩鐵饅相合。亦用鹽泥封口。用桑柴文火上饅臍放米數十粒。俟米焦熄火。候冷透開取。則血餘黑亮鬆脆。其質輕無臭氣。若煨未透。則質堅重極臭。惟不能走氣。若走氣則變灰無用矣。近時昧利者。以人髮一毗。再夾細石砂一毗。煨如前法。形色亦光黑面亮。惟質甚重。不如純血餘之輕也。